



অবিলম্বে প্রকাশের উদ্দেশ্যে: 4/17/2023

গভর্নর ক্যাথি হোকল

গভর্নর ক্যাথি হোকল আনুষ্ঠানিকভাবে নিউ ইয়র্ক স্টেটের নির্মাণ মৌসুম শুরু করলেন এবং 17 থেকে 21 এপ্রিলকে জাতীয় ওয়ার্ক জোন সচেতনতা সপ্তাহ হিসেবে ঘোষণা করলেন

17 এপ্রিল ওয়ার্ক জোনে গতি নজরদারি পাইলট কর্মসূচি শুরু হবে, এটি ওয়ার্ক জোনে নিরাপদে গাড়ি চালানো বলবৎকরণ এবং নিউ ইয়র্কজুড়ে হাইওয়ে কর্মীদের জীবন রক্ষার চলমান প্রয়াসের অনুবর্তী

NYS DOT এবং থ্রুওয়ে কর্তৃপক্ষ নিউ ইয়র্কবাসীদেরকে ওয়ার্ক জোনে নতুন পাইলট কর্মসূচির ব্যাপারে শিক্ষাদানের জন্য জনসচেতনতা ক্যাম্পেইন শুরু করবে

স্টেটের ল্যান্ডমার্কগুলি 19 এপ্রিল কমলা আলোয় আলোকিত হবে এবং নিউ ইয়র্কের হাইওয়ে কর্মীবাহিনীর সাথে একাত্মতা প্রকাশ করার জন্য নিউ ইয়র্কবাসীদের সেদিন কমলা রঙ পড়তে উৎসাহিত করা হবে

গভর্নর হোকল আজকে ঘোষণা করলেন যে নির্মাণ মৌসুম শুরু হওয়া উপলক্ষে স্টেট আনুষ্ঠানিকভাবে 17 এপ্রিল থেকে 21 এপ্রিলকে জাতীয় ওয়ার্ক জোন সচেতনতা সপ্তাহ (National Work Zone Awareness Week) হিসেবে পালন করবে। 2023 এর থিম হলো "ওয়ার্ক জোন নিরাপত্তায় আপনার ভূমিকা আছে। আমাদের সাথে কাজ করুন!" হাইওয়ে কর্মীদের রক্ষা করার উদ্দেশ্যে এই উদযাপনের অংশ হিসেবে, 17 এপ্রিল থেকে হাইওয়ে নির্মাণ ও রক্ষণাবেক্ষণ জোনে গতিসীমা প্রণয়ন করতে সাহায্য করার জন্য একটি স্বয়ংক্রিয় ওয়ার্ক জোন গতি নজরদারি পাইলট কর্মসূচি (Automated Work Zone Speed Monitoring Pilot Program) শুরু করা হবে, এটি পরিবহন বিভাগ (New York State Department of Transportation, NYS DOT) এবং নিউ ইয়র্ক স্টেটের থ্রুওয়ে কর্তৃপক্ষের (New York State Thruway Authority) মধ্যকার একটি যৌথ উদ্যোগ যা হাইওয়ে কর্মীদের আরো ভালো সুরক্ষাদানের জন্য চলমান প্রয়াসের অনুবর্তী। RADAR প্রযুক্তির উপর নির্ভর করা মোট 30টি গতি লঙ্ঘন নজরদারি ব্যবস্থা নিউ ইয়র্ক স্টেটের

হাইওয়ে সংলগ্ন সক্রিয় ওয়ার্ক জোনে, 20টি NYSDOT এর রক্ষণাবেক্ষণ করা রাস্তায় এবং 10টি নিউ ইয়র্ক স্টেটের ফ্রুওয়েতে বসানো হবে।

"আমরা আনুষ্ঠানিকভাবে নিউ ইয়র্কের নির্মাণ মৌসুম এবং জাতীয় ওয়ার্ক জোন সচেতনতা সপ্তাহ শুরু করতে যাচ্ছি, তাই আমি পুরো স্টেটের হাইওয়ে কর্মীদের ধন্যবাদ জানাতে চাই যারা নিজেদের জীবন ঝুঁকিগ্রস্ত করে রাস্তার রক্ষণাবেক্ষণ ও উন্নয়ন করে যার উপর আমরা প্রতিনিয়ত নির্ভর করি," **গভর্নর হোকল বলেন।** "নতুন এই পাইলট কর্মসূচিটি হাইওয়ে ওয়ার্ক জোনে নিরাপদ গাড়ি চালানোর অভ্যাসের জন্য এবং একটি নিরাপদ ও নির্ভরযোগ্য হাইওয়ে ব্যবস্থা ধরে রাখতে যারা সাহায্য করে তাদের জীবন রাখার জন্য মুখ্য হবে।"

নিউ ইয়র্ক স্টেটে সাম্প্রতিক বছরগুলিতে ওয়ার্ক জোনে গতিসীমা লঙ্ঘনের ঘটনা বৃদ্ধি পেয়েছে, যার ফলে অগণিত হাইওয়ে কর্মী আহত হয়েছে এবং স্টেট ও ঠিকাদারদের বেশ কয়েকজন কর্মচারীর মৃত্যু হয়েছে। 2000 সাল থেকে ফেডারেল হাইওয়ে প্রশাসন (Federal Highway Administration) দ্বারা স্বীকৃত বার্ষিক ক্যাম্পেইন, জাতীয় ওয়ার্ক জোন সচেতনতা সপ্তাহ চলাকালে কর্মসূচিটি শুরু করার মাধ্যমে, হাইওয়েতে নির্মাণ, রক্ষণাবেক্ষণ এবং জরুরি কর্মকাণ্ডের সম্মুখীন হলে নিরাপদে গাড়ি চালানোর গুরুত্বকে স্টেট আরো বেশি করে তুলে ধরছে।

স্বয়ংক্রিয় ওয়ার্ক জোন গতি নজরদারি পাইলট কর্মসূচি এবং ক্যাম্পেইন

স্বয়ংক্রিয় ওয়ার্ক জোন গতি নজরদারি পাইলট কর্মসূচিটি গভর্নর হোকলের আইন হিসেবে স্বাক্ষর করা বিধিমালা দ্বারা স্থাপিত হয়েছে। পাইলটের প্রথম 30 দিন, গতিসীমা লঙ্ঘনকারী মোটরচালকদেরকে দায়বদ্ধতার নোটিশ (Notices of Liability) সতর্কতা হিসেবে প্রদান করা হবে, প্রাথমিক সূচনার 30 দিন পর থেকে প্রকৃত নোটিশ প্রদান করা হবে। একটি প্রতিযোগিতামূলক নিলাম প্রক্রিয়ার দ্বারা কর্মসূচির জন্য একটি প্রযুক্তি পরিচালক বাছাই করা হয়েছে। কর্মসূচির অধীনে, ওয়ার্ক জোনের মধ্যে লিখিত গতিসীমাকে একটি নির্দিষ্ট সীমার উপরে গিয়ে লঙ্ঘন করে গাড়ি চালানোর জন্য সনাক্ত করা সকল যানকে জরিমানা করা হবে। লাইসেন্স প্লেটের ছবি এবং সংগৃহীত গতি ডেটা NYSDOT এবং ফ্রুওয়েকে এক সপ্তাহের মধ্যে প্রেরণ করা হবে, এবং যানের নিবন্ধিত মালিককে মেইলের মাধ্যমে লঙ্ঘনের জরিমানা প্রদান করা হবে। নিউ ইয়র্ক স্টেটের বাসিন্দা হলে যানবাহনের মালিক লঙ্ঘনের ঘটনার 14 কর্মদিবসের মধ্যে নোটিশ পাবে, এবং স্টেটের বাইরে বসবাসরত ব্যক্তির 45 দিনের মধ্যে নোটিশ পাবে। চালকের ছবি বা যান সম্পর্কে তথ্য নথিভুক্ত করা হবে না।

পাইলট কর্মসূচির মাধ্যমে জরিমানা নিম্নরূপে জারি করা হবে:

1. প্রথম লঙ্ঘনের জন্য 50 মার্কিন ডলার
2. দ্বিতীয় লঙ্ঘনের জন্য 75 মার্কিন ডলার

3. তৃতীয় এবং প্রথম লণ্ডনের 18 মাসের মধ্যে আরেকটি লণ্ডনের জন্য 100 মার্কিন ডলার

অপরিশোধিত জরিমানার কারণে যান নিবন্ধন আটকে থাকতে পারে এবং চালকেরা তাদের জরিমানা পরিশোধ না করে তাদের নিবন্ধন নবায়ন করতে পারবে না। মালিকেরা নোটিশ পাওয়ার 30 দিনের মধ্যে লণ্ডনের প্রতিবাদ করতে পারবে। আইন অনুযায়ী, কর্মসূচিটির মাধ্যমে NYSDOT ও ফ্রুগয়ে কর্তৃপক্ষ কর্তৃক সংগৃহীত জরিমানার 60 শতাংশ অর্থ ওয়ার্ক জোনের নিরাপত্তা প্রকল্পকে সম্পূর্ণ করবে।

স্টেটের পরিবহন বিভাগ এবং ফ্রুগয়ে কর্তৃপক্ষ এছাড়াও একটি সার্বিক জনসচেতনতা ক্যাম্পেইন শুরু করেছে যেখানে স্টেটজুড়ে চালকদের জন্য অভীষ্ট বিভিন্ন বিজ্ঞাপন ও সোশ্যাল মিডিয়া সুযোগ থাকবে। ক্যাম্পেইনটি বিলবোর্ড বিজ্ঞাপন, সম্প্রচার এবং স্ট্রিমিং রেডিও, ওয়েজ ইত্যাদি ব্যবহার করে নতুন কর্মসূচিটির উপর আলোকপাত করবে এবং হাইওয়ে ওয়ার্ক জোনে মোটরচালকদের ট্রাফিক নিরাপত্তা আইন মেনে চলা বৃদ্ধি করবে। পাইলট কর্মসূচিটির ব্যাপারে আরো তথ্য [এখানে](#) পাওয়া যাবে।

অপারেশন হার্ডহ্যাট

চলমান "অপারেশন হার্ডহ্যাট" উদ্যোগের অংশ হিসেবে 17 এপ্রিল থেকে 21 এপ্রিল 2023 এর জাতীয় ওয়ার্ক জোন সচেতনতা সপ্তাহ চলাকালীন ওয়ার্ক জোন লণ্ডনের উপর স্টেট পুলিশ (State Police) কঠোর ব্যবস্থা গ্রহণ করবে, উদ্যোগটি স্টেটজুড়ে সক্রিয় নির্মাণ ও রক্ষণাবেক্ষণ ওয়ার্ক জোনে নিরাপদে গাড়ি চালানোর অনুশীলনের গুরুত্ব তুলে ধরবে। নিউ ইয়র্কজুড়ে বিভিন্ন হাইওয়েতে পরিবহন বিভাগ বা ফ্রুগয়ে কর্তৃপক্ষের কর্মচারীগণ রক্ষণাবেক্ষণ বা নির্মাণ কাজ চালাচ্ছে এমন সক্রিয় হাইওয়ে ওয়ার্ক জোনে স্টেটের ট্রুপারগণ হাইওয়ে রক্ষণাবেক্ষণ কর্মীর পোশাক পরিধান করে অবস্থান করবে। DOT, স্টেট পুলিশ এবং ফ্রুগয়ে কর্তৃপক্ষের পরিকল্পনা হলো নির্মাণ মৌসুমের শেষ পর্যন্ত, যা সাধারণত অক্টোবর মাসে শেষ হয়, স্টেটজুড়ে বিভিন্ন নির্মাণ জোনে অতিরিক্ত অঘোষিত আইন প্রয়োগ করার ব্যাপারে অংশীদারিত্ব করা।

ফ্ল্যাগিং কর্মীদের অমান্য করা, ওয়ার্ক জোনের মধ্যে দিয়ে জোরে গাড়ি চালানো, বা জরুরি ও রক্ষণাবেক্ষণ উভয় যানের জন্য প্রযোজ্য স্টেটের মুভ ওভার আইন (Move Over Law) লণ্ডন করা মোটরচালকদের সনাক্ত করার জন্য ট্রুপারগণ ওয়ার্ক জোনে উপস্থিত থাকবে। 2022 সালে, অপারেশন হার্ডহ্যাট চলাকালে মোট 3,062টি টিকেট [জারি করা হয়েছে](#), যা 2021 সালে প্রদত্ত মোট 2,336টি টিকেটের থেকে বেশি।

ল্যান্ডমার্কসমূহ আলোকিত করা

গো অরেঞ্জ দিবস উপলক্ষে যেসব ল্যান্ডমার্ক আলোকিত করা হবে তার মধ্যে রয়েছে:

- গভর্নর মারিও এম. কুওমো ব্রিজ (Mario M. Cuomo Bridge)
- কস্কুইজকো ব্রিজ
- এইচ. কার্ল ম্যাককল সানি বিল্ডিং
- রাষ্ট্রীয় শিক্ষা ভবন
- আলফ্রেড ই. স্মিথ স্টেট অফিস বিল্ডিং (Alfred E. Smith State Office Building)
- নায়াগ্রা জলপ্রপাত (Niagara Falls)
- এম্পায়ার স্টেট প্লাজা
- ওয়ান ওয়ার্ল্ড ট্রেড সেন্টার (One World Trade Center)
- স্টেট ফেয়ারগ্রাউন্ডস - মেইন গেট অ্যান্ড এক্সপো সেন্টার
- অ্যালবানি আন্তর্জাতিক বিমানবন্দর গেটওয়ে (Albany International Airport Gateway)
- MTA LIRR - ইস্ট এন্ড গেটওয়ে যা পেন স্টেশনে আছে
- ইরি ক্যানেলের উপরস্থ ফেয়ারপোর্ট লিফট ব্রিজ
- ময়নিহান ট্রেন হল

পরিবহন ডিপার্টমেন্টের কমিশনার ম্যারি টেরেস ডমিঞ্জো বলেন, "হাইওয়ে নির্মাণ ও রক্ষণাবেক্ষণের কাজ করা নারী পুরুষ মহান সরকারি কর্মী যারা আমাদের বাকিদের নিউ ইয়র্ক স্টেটজুড়ে আমাদের গন্তব্যে পৌঁছানোর জন্য নিরাপদ যাত্রা সম্ভব করে। আমাদের স্টেটের রাস্তায় নিয়মিত যাত্রা করা একজন হিসেবে, আমি তাদের অবদানের মূল্য বুঝি এবং আমি তাদের প্রতি খণী, কিন্তু আমাদের হাইওয়ে রক্ষণাবেক্ষণকারীদের নিরাপদ রাখা সকলের কাজ। চালকদের নিরাপদ গতিতে তাদের যান চালাতে হবে এবং জানতে হবে যে গতিসীমা প্রণয়ন করা হবে, কারণ আপনার এবং তাদের জীবন এর উপর নির্ভর করে। জাতীয় ওয়ার্ক জোন সচেতনতা সপ্তাহ চলাকালে শুরু হওয়া নতুন এই কর্মসূচিটি আমাদেরকে আমাদের নির্মাণ ও রক্ষণাবেক্ষণ ওয়ার্ক জোনে লঙ্ঘন আরো ভালোভাবে নজরদারি করতে দিবে, এবং এটি স্মরণ করিয়ে দিবে যে আমাদের সকলকে ধীর গতিতে, আমাদের ফোন রেখে দিয়ে, এবং সবথেকে গুরুত্বপূর্ণ, সতর্ক থেকে চলতে হবে।"

নিউ ইয়র্ক স্টেটের ফ্রুওয়ে কর্তৃপক্ষের ভারপ্রাপ্ত নির্বাহী পরিচালক ফ্র্যাঙ্ক জি. হোয়ার বলেন, "রক্ষণাবেক্ষণ কর্মীরা প্রতিদিন উচ্চ গতির ট্র্যাফিকের মাত্র কয়েক ইঞ্চি দূরে থেকে কাজ করে এবং রাস্তা যাতে সকল চালকদের জন্য নিরাপদ থাকে তা নিশ্চিত করতে নিজেদেরকে ঝুঁকিগ্রস্ত করে। এইসব নারী পুরুষকে নিরাপদ রাখার জন্য একটি ওয়ার্ক জোনে গাড়ি চালানোর সময় গতি কমিয়ে মনোযোগ দিয়ে গাড়ি চালানো সকলের দায়িত্ব। ওয়ার্ক জোন গতি ক্যামেরাগুলি হলো আমাদের কাছে থাকা আরেকটি ব্যবস্থা যা ব্যবহার করে আমরা আমাদের

কর্মচারী ও গ্রাহকদের নিরাপদ রাখতে পারবো এবং আমি সত্যিই বিশ্বাস করি যে এভাবে আমরা জীবন রক্ষা করতে পারবো।"

নিউ ইয়র্ক স্টেট পুলিশের ভারপ্রাপ্ত সুপারিন্টেনডেন্ট স্টিভেন এ. নিগ্লেলি বলেন, "আমাদের হাইওয়ে ও নির্মাণ কর্মীরা আমাদের স্টেটের রাস্তাঘাটের উন্নয়নে কাজ করার সময় প্রতিদিন নিজেদেরকে ঝুঁকিগ্রস্ত করে। রাস্তার নিয়মের ব্যাপারে সতর্ক থাকা এবং নির্মাণ জোনে যাত্রা করার সময় গতি কমানো আমাদের দায়িত্ব যাতে সেইসব কর্মীর নিরাপত্তা ও সুস্থতা নিশ্চিত করা যায়। প্রদত্ত গতি সীমা মান্য করে, নির্ধারিত লেনে থেকে, এবং ওয়ার্ক জোনে কর্মী ও সরঞ্জামের ব্যাপারে সচেতন থেকে আমি সকল মোটরচালককে নিরাপদে গাড়ি চালানোর তাগিদ দিচ্ছি। আমরা মুভ ওভার আইনের লঙ্ঘন এবং ওয়ার্ক জোনে অনধিকারপ্রবেশ সহ্য করবো না।"

নিউ ইয়র্ক স্টেট মোটরযান ডিপার্টমেন্টের (Department of Motor Vehicles, DMV) কমিশনার এবং গভর্নরের ট্র্যাফিক নিরাপত্তা কমিটির (Governor's Traffic Safety Commission) প্রধান মার্ক জে. এফ. শ্রোডার বলেন, "রাস্তার নিয়ম অনুসরণ করা এবং আমাদের আশেপাশের সকলের, বিশেষ করে দৈনন্দিন ভিত্তিতে সেইসব রাস্তা মেরামত ও রক্ষণাবেক্ষণের কাজ করা নারী পুরুষের ব্যাপারে সচেতন থাকার ক্ষেত্রে আমরা সকলেই আমাদের নিজ দায়িত্ব পালন করছি কিনা তার উপর নিউ ইয়র্কের রাস্তার নিরাপত্তা নির্ভর করবে। আইন মেনে না চললে অপরিশোধিত ওয়ার্ক জোন জরিমানার কারণে যান নিবন্ধনের নবায়ন আটকে যাওয়ার ঝুঁকি রয়েছে, এবং মোটরচালকদের নিজেদের ও অন্যদের ক্ষতির সম্মুখীন করার ঝুঁকিও রয়েছে।"

সিভিল সার্ভিস কর্মচারীদের অ্যাসোসিয়েশনের (Civil Service Employees Association) প্রেসিডেন্ট ম্যারি ই. সালিভ্যান বলেন, "আমাদের ইউনিয়ন সক্রিয়ভাবে চালকদের সতর্ক থাকতে, তাদের আশেপাশের ব্যাপারে সচেতন থাকতে, এবং ওয়ার্ক জোনে গাড়ি চালানোর সময় সতর্কতা অবলম্বন করতে উৎসাহিত করে। ওয়ার্ক জোনের নিরাপত্তার জন্য আমাদের সকলের ভূমিকা রয়েছে। আমাদের অনেক বেশি ইউনিয়ন সদস্য চালকদের অসাবধানতার কারণে কাজে থাকার সময় মারা গেছে বা মারাত্মকভাবে আহত হয়েছে। আমাদের রাস্তা ও অবকাঠামোর রক্ষণাবেক্ষণ করে যেই নারী পুরুষ তাদের সম্মান করা এবং প্রতিদিন যাতে তারা নিরাপদে নিজেদের পরিবারের কাছে বাড়ি ফিরে যেতে পারে তা নিশ্চিত করা আমাদের সকলের মিলিত দায়িত্ব।"

নিউ ইয়র্ক স্টেটের অ্যাসোসিয়েটেড জেনারেল কন্ট্রাক্টরদের (Associated General Contractors of New York State, AGC NYS) প্রেসিডেন্ট ও প্রধান নির্বাহী কর্মকর্তা মাইক এলমেনডর্ফ বলেন, "পুরো নিউ ইয়র্কে রাস্তাঘাটে কর্মরত নারী পুরুষগণ আমাদের নিরাপত্তার জন্য কাজ করছে, এবং এই গুরুত্বপূর্ণ কাজ করার সময় তাদের নিরাপদ রাখা প্রত্যেক নিউ ইয়র্কবাসীর জন্য তাদের প্রতি কর্তব্য। আমরা যাতে নিরাপদে আমাদের পরিবারের

কাছে পৌঁছাতে পারি তা নিশ্চিত করতে তারা প্রায়শই বিপজ্জনক পরিস্থিতিতে কাজ করে; তাই তাদের প্রত্যেকে যাতে নিজেদের পরিবারের কাছে নিরাপদে পৌঁছাতে পারে তা নিশ্চিত করা সকল মোটরচালকদের দায়িত্ব। নিউ ইয়র্কবাসীদেরকে মনোযোগী হতে হবে, মনোনিবেশ করবে হবে এবং ওয়ার্ক জোনে স্থান গতি কমিয়ে সরে যেতে হবে। জাতীয় ওয়ার্ক জোন সচেতনতা সপ্তাহের মাধ্যমে এবং এর বাইরেও ওয়ার্ক জোনের নিরাপত্তার ব্যাপারে অতি গুরুত্বপূর্ণ সচেতনতা প্রদান করার জন্য AGC NYS আমাদের শিল্পখাত, শ্রমিক ও সরকারি এজেন্সি অংশীদারদের প্রয়াসের প্রশংসা করছে।"

সমস্ত ড্রাইভার এবং রাস্তার ধারের কর্মীদের নিরাপত্তার জন্য নির্মাণ কাজ চলা অঞ্চলে এবং এগুলোর মধ্যে থাকা চিহ্নগুলো চিনতে পারা ও বোঝা গুরুত্বপূর্ণ। স্টেটব্যাপী রক্ষণাবেক্ষণ কর্মীগণ প্রতিদিন দ্রুতগামী যানবাহনের পাশাপাশি কাজ করেন, তারা জানেন যে তাদের জীবন নির্ভর করছে চালকদের সতর্ক, ধৈর্যশীল ও সাবধান থাকার উপর। এটি অত্যন্ত গুরুত্বপূর্ণ যে মোটরগাড়ি চালকগণ মনোযোগ বিক্ষিপ্ত হ্রাস করবে, গাড়ি চালানোয় মনোযোগ দেবেন এবং কর্মীদের জন্য জায়গা ছেড়ে দেবেন। নির্মাণ মৌসুম চলাকালে, রক্ষণাবেক্ষণ ও নির্মাণ কর্মীরা মোটরচালকদের জন্য নিরাপদ রাস্তা নিশ্চিত করার জন্য রাস্তায় মেরামত ও উন্নয়ন কাজ করা অব্যাহত রাখবে। সমস্ত ভ্রমণকারীদের গতি কমানোর জন্য প্রস্তুত থাকতে হবে এবং কাজের অঞ্চলের মধ্য দিয়ে যাওয়ার সময় সতর্ক থাকতে হবে।

জাতীয় ওয়ার্ক জোন সচেতনতা সপ্তাহ সম্পর্কে আরো তথ্যের জন্য [এখানে](#) ক্লিক করুন।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418